



Sarajevo, 11.11.2022.godine
Broj, 04/5-02-2039-1/22

ZAPISNIK

8. sjednice Vijeća nacionalnih manjina Federacije Bosne i Hercegovine, održane 11.11.2022. godine

Osma sjednica Vijeća nacionalnih manjina Federacije Bosne i Hercegovine **održana je 11.11.2022. godine s početkom u 12:00 sati**, u zgradi Parlamenta Federacije Bosne i Hercegovine, sala 320.

Prisutni su bili sljedeći članovi: **Hidajeta Redžić, predsjedavajuća Vijeća nacionalnih manjina FBiH, Dervo Sejdić, Džemina Zejnullahu, Violeta Džolan, Vladimir Lukačević, Davor Ebner, Bruno Palestra, Zehra Obarčanin, Alaga Suljić, Mehmed Suljić, Davorka Drijenčić, Elma Softić-Kaunitz i Irma Muratović.**

Sjednici nisu prisustvovali: **Admira Biberović, Dejan Piotrovski, Elvisa Jusić, Emil Bakoš, Emin Fafulić, Mišo Ćirko, Nermin Geca, Velibor Kuvač.**

Sjednicom je predsjedavala **Hidajeta Redžić**, predsjedavajuća Vijeća nacionalnih manjina Federacije Bosne i Hercegovine.

Za 8. sjednicu Vijeća nacionalnih manjina Federacije Bosne i Hercegovine predložen je sljedeći:

DNEVNI RED

- 1. Usvajanje Zapisnika 5. i 7. sjednice Vijeća nacionalnih manjina FBiH;**
- 2. Prijedlog formata zajedničke sjednice/konferencije svih vijeća nacionalnih manjina iz BiH na temu izmjene i dopune propisa o nacionalnim manjinama (uz učešće Vijeća Europe i OSCE);**
- 3. Urgencija Vijeća nacionalnih manjina FBiH za konstituisanje Vijeća nacionalnih manjina BiH;**
- 4. Tekuća pitanja.**

Dnevni red je jednoglasno usvojen.

1. Usvajanje Zapisnika 5. i 7. sjednice Vijeća nacionalnih manjina FBiH;

Zapisnik sa 7. sjednice kao i zapisnik sa 5. sjednice Vijeća, koji je naknadno dostavljen, su usvojeni jednoglasno.

2. Prijedlog formata zajedničke sjednice/konferencije svih vijeća nacionalnih manjina iz BiH na temu izmjene i dopune propisa o nacionalnim manjinama (uz učešće Vijeća Europe i OSCE);

Predsjedavajuća je istakla da Vijeće nema svoj žiro-račun na koji bi nadležna parlamentarna komisija uplatila Vijeću novčana sredstva za finansiranje konferencije, te je predložila da Vijeće predloži udruženje koje bi ustupilo Vijeću svoj račun kako bi se realizirao ovaj projekat.

Predsjedavajuća je pozvala **Mehmeda Suljića**, predstavnika romske nacionalne manjine u Vijeću, da iznese svoje mišljenje i prijedloge po ovoj tački, iz razloga što je Mehmed Suljić na prethodnoj sjednici predložio zajedničku sjednicu/konferenciju na temu izmjene i dopune propisa o nacionalnim manjinama. Mehmed Suljić je istakao da je ranije pismeno reagovao na prijedlog Zakon o zaštiti prava pripadnika nacionalnih manjina iz marta prošle godine kao i na Nacrt Zakona. On je u okviru jasnog stava istakao da je potrebno usvojiti izmjene i dopune Zakona a da Nacrt Zakona nije potreban jer taj Zakon već postoji. Također, Mehmed Suljić je istakao da je stava da se Vijeće treba zalagati da Vijeće nacionalnih manjina dobije status radnog tijela Parlamenta FBiH. Mehmed Suljić je predložio da se uputi inicijativa Vijeću nacionalnih manjina BiH za realizaciju ovog projekta, koje bi pozvalo sve aktere koji bi mogli dati svoj doprinos na ovu temu, te da bi Vijeće na nivou države trebalo da bude organizator konferencije.

U diskusiju se uključio **Dervo Sejdić**, predstavnik romske nacionalne manjine u Vijeću, te istakao da je on jedan od predlagača i kreatora državne strategije za rješavanje problema nacionalnih manjina. Dervo Sejdić je istakao da se u potpunosti slaže da Nacrt zakona nije potreban, već izmjene i dopune istog. Istakao je organizator konferencije bi trebalo biti Vijeće nacionalnih manjina FBiH, koje je i donijelo zaključak sa prijedlogom organizovanja konferencije.

Džemina Zejnullahu, je istakla da je Vijeće zahvalno OSCE-u i Vijeću Evrope na zainteresovanosti za pomoć Vijeću, ali da Vijeće neće dozvoliti nametanje niti će prihvatiti ništa što nije u koristi nacionalnih manjina.

Vijeće je jednoglasno donijelo

ZAKLJUČAK

Vijeće nacionalnih manjina Federacije Bosne i Hercegovine će angažovati eksperta za ljudska prava koji će pratiti i zastupati interese nacionalnih manjina kada su u pitanju izmjene i dopune Zakona o zaštiti prava nacionalnih manjina Federacije Bosne i Hercegovine, a koji će biti finansiran iz budžeta kojim raspolaže Vijeće.

Irma Muratović, predstavnica mađarske nacionalne manjine je istakla da ekspert treba da bude iz Bosne i Hercegovine.

3. Urgencija Vijeća nacionalnih manjina FBiH za konstituisanje Vijeća nacionalnih manjina BiH;

Predsjedavajuća je istakla da je Odluka o imenovanju Vijeća nacionalnih manjina Bosne i Hercegovine donesena i objavljena u Službenom glasniku krajem jula 2022. godine, ali da konstituirajuća sjednica još nije održana, iako u Poslovniku Vijeća nacionalnih manjina Parlamentarne skupštine je predviđeno da su predsjedavajući Domova dužni da sazovu konstituirajuću sjednicu u roku od 60 dana od dana imenovanja članova. Koristeći taj podatak, Vijeće je ranije reagovalo i poslalo dopis Vijeću nacionalnih manjina BiH. Kao rezultat toga, Vijeće nacionalnih manjina BiH, je sazvalo konstituirajuću sjednicu za 16.11.2022. godine. S tom informacijom Predsjedavajuća je zaključila ovu tačku dnevnog reda.



4. Tekuća pitanja.

Zehra Obarčanin, predstavница makedonske nacionalne manjine, je predložila da svako od članova Vijeća uloži trud kako bi proširio svijest o značaju rješavanja pitanja nacionalnih manjina u FBiH, te pronašao zainteresovane koji bi bili predlagači izmjena i dopuna Zakona o zaštiti prava pripadnika nacionalnih manjina u Parlamentu FBiH.

Predsjedavajuća je istakla kako je optimistična po pitanju rješavanja programskih zadataka nacionalnih manjina, prije svega da Vijeće nije spoljni član komisija za ljudska prava već stalni član istih oba Doma, s tim bi rezultiralo da Vijeće nije samo posmatrač nego ovlašteni predlagač Zakona u Parlamentu. Istakla je još da bi Vijeće nacionalnih manjina trebalo da bude stalno radno tijelo Doma naroda.

Dervo Sejdić je predložio da Vijeće nacionalnih manjina sklopi sporazum sa Udruženjem „Kali Sara“ za organizaciju zajedničke sjednice/konferencije svih vijeća nacionalnih manjina iz BiH na temu izmjene i dopune propisa o nacionalnim manjinama (uz učešće Vijeća Europe i OSCE), koji bi ustupili svoj žiro-račun kako bi se uplatila sredstva iz budžeta kojim raspolaže Vijeće.

Vijeće je donijelo sljedeći:

ZAKLJUČAK

Vijeće nacionalnih manjina će sklopiti sporazum o realizaciji sa Udruženjem „Kali Sara“, za ustupanje žiro-računa na koji bi se uplatila sredstva iz budžeta kojim Vijeće raspolaže, za organizaciju zajedničke sjednice/konferencije svih vijeća nacionalnih manjina iz BiH na temu izmjene i dopune propisa o nacionalnim manjinama (uz učešće Vijeća Europe i OSCE).

Ovaj zaključak je usvojen sa 11 glasova ZA i 2 glasa PROTIV.

Mehmed Suljić je predložio da Vijeće donese akt u vezi izmjene i dopune Odluke o mjesečnim naknadama članovima Vijeća nacionalnih manjina FBiH na način da se članovima Vijeća odobri naknada za rad u mjesečnom iznosu koja se dobije kada se koeficijent 1 pomnoži sa osnovicom koju utvrđuje Vlada FBiH u skladu sa članom 5. Zakona o plaćama i naknadama u organima vlasti Federacije BiH (Službene novine FBiH, br.45/10). Prijedlog Mehmeda Suljića glasi:

PRIJEDLOG ODLUKE O IZMJENI ODLUKE O ISPLATI MJESEČNIH NAKNADA ČLANOVIMA VIJEĆA NACIONALNIH MANJINA U FEDERACIJI BOSNE I HERCEGOVINE

Članovima Vijeća nacionalnih manjina u Federaciji Bosne i Hercegovine (u daljem tekstu Vijeće nacionalnih manjina) odobrava se naknada za rad u mjesečnom iznosu koji se dobije kada se koeficijent 1,00 pomnoži sa osnovicom koju utvrđuje Vlada Federacije Bosne i Hercegovine u skladu sa članom 5. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj:45/10).

Ovu naknadu će članovima Vijeća nacionalnih manjina naizmjenično isplaćivati Predstavnički dom i Dom naroda Parlamenta Federacije Bosne i Hercegovine.

Na prijedlog Predsjedavajuće, ovaj Prijedlog je uvršen u ovaj Zapisnik, a o njemu će se članovi Vijeća izjasniti na nekoj od narednih sjednica.

Dervo Sejdić je istakao svoje mišljenje da Vijeće treba da reaguje na novi oblik diskriminacije nacionalnih manjina koji je proistekao iz izmjene Izbornog zakona. Predsjedavajuća je predložila da Dervo Sejdić dostavi Vijeću svoj prijedlog očitovanja Vijeća na tu temu.

Predsjedavajuća je zaključila sjednicu Vijeća u 13:30 sati.

**PREDSJEDAVAJUĆA VIJEĆA NACIONALNIH
PARLAMENTA FEDERACIJE BiH**

Hidajeta Redžić

